



Broj: 13-02/1-05-588/18
Sarajevo, 19.01.2018. godine

SKUPŠTINA KANTONA SARAJEVO
Služba za skupštinske poslove

KANTON SARAJEVO
Stručna služba Vlade
N/r sekretara

O v d j e

Zastupnik Semir Halilović je na 36. Radnoj sjednici Skupštine Kantona Sarajevo, održanoj dana 20.12.2017. godine, u okviru tačke Dnevnog reda „Zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenuo zastupničku inicijativu kojom:

“Inicira kod Ministarstva za boračka pitanja Kantona Sarajevo i Ministarstva za rad, socijalnu politiku, raseljena lica i izbjeglice Kantona Sarajevo da, interesorno-prvo putem zajedničkog informisanja, a ukoliko postoje resursi unutar dva ministarstva i na bazi zajedničkog dogovora, pronađu rješenje za privremeni smještaj oko cca 20 stanovnika grada Sarajeva koji su iz boračke populacije, danas su beskućnici, a nemaju pravo na rješavanje stambenog pitanja”.

ODGOVOR:

Ministarstvo za rad, socijalnu politiku, raseljena lica i izbjeglice Kantona Sarajevo Kantona Sarajevo je razmotrilo dostavljenju inicijativu i na istu daje slijedeći odgovor:

Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije BiH", br. 36/99, 54/04, 39/06, 14/09 i 45/16) (u daljem tekstu: Federalni zakon) u članu 12. definisani su korisnici socijalne zaštite, a članom 14. Zakona o socijalnoj zaštiti, zaštiti civilnih žrtava rata i zaštiti porodica sa djecom ("Službene novine Kantona Sarajevo" 38/14 – Prečišćeni tekst, 38/16 i 44/17) (u daljem tekstu: Kantonalni zakon) je proširen krug korisnika socijalne zaštite u Kantonu Sarajevo, sa dodatne dvije kategorije korisnika.

Navedenim propisima, kao korisnici socijalne zaštite nisu navedeni pripadnici boračke populacije, ali ova lica ukoliko ispunjavaju uslove propisane zakonima i podzakonskim aktima iz oblasti socijalne zaštite, ostvaruju sva prava kao lica u stanju socijalne potrebe.

Napominjemo također, da korisnici socijalne zaštite u skladu sa Federalnim i Kantonalnim zakonom mogu, ukoliko im je potreban takav vid zaštite, ostvariti pravo na smještaj u drugu porodicu i smještaj u ustanovu socijalne zaštite.



U tom smislu, smatramo značajnim istaći da se u okviru Kantonalne javne ustanove "Gerontološki centar" u zasebnom objektu (Prihvatište za punoljetna lica u stanju socijalne potrebe) obezbjeđuje prihvatanje, odnosno privremeno zbrinjavanje, ishrana, zdravstvena njega, usluge stručnog rada i druge usluge punoljetnim osobama u stanju socijalne potrebe sa područja Kantona Sarajevo. Prihvatište ima za cilj da se u okviru istog privremenu zbrinu punoljetna lica u stanju socijalne potrebe, a do iznalaženje trajnijeg rješenja za svakog pojedinačnog korisnika.

Osim toga, u skladu sa zaključkom Vlade Kantona Sarajevo broj 02-05-8403-28/12 od 29.03.2012. godine, određene kategorije korisnika socijalne zaštite mogu ostvariti i sufinansiranje troškova podstanarstva pod propisanim uslovima.

Također smatramo bitnim istaći i činjenicu da ovo ministarstvo ne raspolaže sa stambenim jedinicama u koje bi moglo smještati korisnike, a da rješavanje stambenih problema pripadnika boračke populacije nije u nadležnosti Ministarstva za rad, socijalnu politiku, raseljena lica i izbjeglice Kantona Sarajevo.

U skladu sa svim naprijed navedenim, Ministarstvo je u okviru svoje nadležnosti, uvijek spremno učestvovati u svim aktivnostima koje se odnose na stvaranju uslova za poboljšanje položaja lica u stanju socijalne potrebe.

S poštovanjem,

Pripremila: Smaragda Lučkin, stručni savjetnik
Kontrolisala: Cica Pljevljak, šef Odjeljenja



MINISTRICA

Amela Dautbegović

Dostaviti:

1. Skupština Kantona Sarajevo - Služba za skupštinske poslove,
2. Stručna služba Vlade Kantona Sarajevo,
3. a/a.

